

Vuk'uzenzele



Produced by Government Communications (GCIS)

English/Siswati

| Inkhwekhweti 2018 Lushicilelo I

Land claim reaps rewards

A KWAZULU-NATAL (KZN) community will soon be enjoying the rewards of a successful land claim that they have turned into a private game reserve.



■ The Mayibuye Game Reserve has already created jobs and will ensure that the wildlife economy thrives.

Hlengiwe Ngobese
The first black-owned private game reserve is on the cards for KZN, thanks

to a R15 million government investment to the Mayibuye Community Trust.
The word mayibuye, which means to return in isiZulu, is also the name of the 5

581-hectare Mayibuye Game Reserve which is located between Pietermaritzburg and Durban.
The land being returned to the community was taken via forced removals in 1963,

which saw 445 people lose their homes.
Chairperson of the reserve, Welcome Maphanga said the community was relocated to

● **Cont. page 1**



Science powers education

Page 7



Youth say YES to employment

Page 8



ALSO AVAILABLE ON:



@VukuzenzeleNews
f Vuk'uzenzele

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0353

Free Copy

“There can be no greater gift than that of giving one’s time and energy to help others without expecting anything in return.”

Nelson Mandela



Lusha luyalwemukela luhlelo lwe-YES

UMTAMO WAHULUMENDE lohlose kuniketa bantfu labasha labasigidzi labangasebenti lwati lwemsebenti babuye babakhokhele.

Masego Temane uyatfokota kutsi atfole lwati lwemsebenti, lolutawuhambisana neticu takhe teDiploma ye-*Human Resource Management*, njengalongenelele Kuletinsita Tekucashwa Kwelusha (i-YES).

YES, lesandza kuvulwa ngu-Mengameli Cyril Ramaphosa, ihlose kulungiselela lusha kutsi batfole umsebenti ibanikete emakhono ebuchwepheshe ladzingekekako kute kuciniswe kutfufukiswa kwemnotfo.



Masego Temane lofokotile ngekuba yincenye yelusha kuluhlelo lwe-YES.

Temane uyachaza kwekutsi ngemuva kwekutfola ticu nga-2016 akazange akhona kufaka ticelo temsebenti ngoba bekangenalo lwati lwemsebenti loludzingekekako.

“Bekulukhuni kufuna umsebenti ngaphandle kwekubanelwati lwemsebenti. Ngenhlahla ngahlangabetana ne-Lulaway Recruitment Agency lesebentisana ne-YES, kantsi banginiketa litfuba lokufundzela umsebenti emsebentini, i-internship.”

I-YES ingumtamo loyinhlanganisela wahulumende, tihlangano tetisebenti nemabhizinisi kutsi banikete bantu labasha baseNingizimu Afrika labasigidzi misebenti lekhokhelwayo kuleminyaka lemitsatfu letako.

Lucwaningo lolwentiwe lukhombisa kutsi lwati lwemsebenti lwemnyaka munye lolubhala ku-CV, nencwadzi yereferensi, kutfufukisa ematfuba emuntfumlomusha ekutfola umsebenti

emahlandla lamatsatfu.

Temane ungete ngekutsi uyawutsandza umsebenti wakhe, ikakhulukati ngoba usita lolunye lusha kutfole imisebenti njengoba ayi-intern lecashako.

Ngalesikhatsi kuvulwa i-YES Mengameli Ramaphosa watiswa kulabantfu labasha bekucala laba-100 labatawube bacashwe yi-ABSA, Investec, Netcare, Sasol ne-Unilever ngaphansi kwaluhlelo.

“Lomtamo siwubona njengesisekelo sinye save lonkhe lesikhulu nalesifaka ekhatsi konkhe lesizama kwakha ematfuba elusha. Lesinye sisekelo lesisemkhatsini ngulokutfufukiswa kwalamakhono nelwati lwelusha,” kusho Mengameli Ramaphosa.

Ucele bosomabhizinisi labasebancane kutsi badlale indzima yabo njengoba banetikhala letinyenti temsebenti washo nekutsi emabhizinisi lamakhulu angeke akhona

kutsatsa lusha lolwanele awodvwa.

Ngekusho kwa-CEO we-YES Tashmia Ismail-Saville, kubantfu labatigidzi letingu-15.5 eNingizimu Afrika labaneminyaka yebudzala lesemkhatsini we-18 ne-34, tigidzi letingu-5.8 abasebenti.

“I-YES ihlose kuniketa leyo ncnenye yelusha lwetfu, lebanaganakwa nguletindlela lekucashwa ngato kwanyalo kulelive, litfuba lekucala lekutfola umsebenti losezingeni lelisetulu nalokahle kanye nelwati lwemsebenti babe bakhokhelwa,” kusho Ismail-Saville.

Njengenzuzo lengetiwe kumabhizinisi lasemancane, labo labacasha bantfu labasha labamnyama, labaneminyaka yebudzala lesemkhatsini we-18 ne-29, batawulungela kutsi bazuze Sibonelelo Semtselo Wekucasha lesilingana na-R1 000 ngenyanga.

Lusha lwe-YES kufanele:

- Lube neminyaka le-18 ne-34 budzala.
- Bangasebenti sikhatsi lesindlula tinyanga letisitfupha.
- Kube ngulabamnyama (labamnyama bomdza-bu, Emakhaladi noma Emandiya).
- Uma kwenteka tinkapani tifisa kutfole Sibonelelo Semtselo Wekucasha, lolusha kufanele lube neminyaka lesemkhatsini we-18 ne-29.

Lolusha lutawuhola malini?

Lomholo ulindzeleke kutsi ubekwe ngekusebentisa silinganiso semholo lolizingancane wavelonkhe lesingu-R3500 ngenyanga, lokufaka ekhatsi kucecshwa nekusekelwa lokuhambisanako. Silinganiso lesetayekekile sibita R55 000 ngemnyaka. **I**

Kutfola lwatiso lolungetiwe vakashela ku: www.yes4youth.co.za

Kunelulwimi lolusemtsetfweni lolusha loluhlongotwako eNingizimu Afrika

BAHOLI BENDZABUKO banendzima lebalulekile lekufanele bayidlale ekwakheni ummango longenabuphuya, longenako kuswelakala kwemsebenti nalonekulingana.

Neo Semono

I-Khelobedu ingahle lube lulwimi lolusemtsetfweni lwema-12 eNingizimu Afrika ngenca yekuhambisana nekubuyiswa kwesitfunti sebaholi bendzabuko.

Mengameli Cyril Ramaphosa wente lesimemetelo ngalesikhatsi semcimbi wekubeka Indlovukati yeBalobedu eMokwakwala Stadium eBolobedu, Ga-Modjadji eLimpopo.

I-Khelobedu lulwimi lolukhulunywa sive seBalobedu lapho khona, Masalanabo Modjadji oyiNdlovukati yeLitulu lengakabekwa leneminyaka leli-13 budzala, atawutsatsa lesihlalo nakaba neminyaka le-18, ngemuva kwekutsi abekwe njengeNdlovukazi Modjadji VII.

Utawuphotfola ngekuhambisana nemihambo nemasiko esive seBalobedu.

“Loku yincophamlandvo Mama Winnie Madikizela-Mandela bekatatigcabhangayo. Lesi sihlalo sekucala futsi ngiso sodvwa seBundlovukati kulelive nakulelivekati,” kusho Mengameli Ramaphosa.

Mengameli Ramaphosa ubuye wacinisekisa kutinikela kwahulumende ekubuyiseleni kuhlonipha nesitfunti sebhoholi bendzabuko.

Bukhosi besive seBalobedu bamukelwe ngalokusemtsetfweni ngenyanga yeNdlovulenkulu nga-2016 ngemuva kwekutsi i-*Commission on Traditional Leadership Disputes and Claims* (i-CTLDC) yenta lucwaningo ngesimo sesive seBalobedu,

ngekusho kwaticelo letiletfwe ku-CTLDC.

“Hulumende utinikele ekuphumeleliseni letigabatemtsetfo teSahluko se-12 kuMtsetfosisekelo, ikakhulukati lokubuyiswa kwesitfunti salesikhungo sebhoholi bendzabuko embusweni wentsandvo yelunyenti lohola ngeMtsetfosisekelo,” kusho Mengameli Ramaphosa.

Utsite kuvunyelwa komuntfu losikati kutsi abekwe njengeNdlovukati eNingizimu Afrika kukhombisa kutinikela kulomgomo wekulingana ngekwebulili, ngalesikhatsi kubuye kunakwe lendzima yebuholi ledlala bomake kuyo yonkhe imikhakha yemphilo.

“Baholi bendzabuko banendzima lebalulekile lekufanele bayidlale ekwakheni ummango longenabu-

phuya, longenako kuswelakala kwemsebenti nalonekulingana. Baholi betfu bendzabuko kudzingekekutsi bahambe phambili ekuhlweni nekubuyisela emalungelo nesitfunti sebantfu bakitsi.”

Uchubeke wagcizelela lokubaluleka kwalendzima ledlalwe baholi bendzabuko ekubuyiseni umhlaba kubanikati lebafanele.

“Badzinga kucinisekisa kwekutsi umhlaba ubuyiselwa kulabo labawusebentako kantsi labo labatawuniketwa umhlaba kufanele babe netindlela tekawusebenta,” kusho Mengameli Ramaphosa.

Bantfu labalinganiselwa kutigidzi leti-25 labahlala emaphandleni bakwenta loku ngaphansi kwebuholi bebaholi bendzabuko. **I**

Ingabe bewati?

- Sive seBalobedu satsintseka ngalesikhatsi nga-1972 leNdlovukati yeliTulu Makoma Modjadji yatsatselwa emandla ayo nesihlalo sayo sehliwa satsatselwa bukhosi.
- Tindzawo tasemaphandleni netindvuna lebetingaphansi kwembuso wakhe tafakwa ngaphansi kwetigodzi lebetatiwa ngeLebowa neGazankulu kwase kubulawa kanjalo lamasiko lanotsile nemnyombo yalendlovukati lebewukhona eminyakeni lengema-400 leyandlula.